

PEJABAT PENDAFTAR PERTUBUHAN PELADANG

d/a LEMBAGA PERTUBUHAN PELADANG
No. 20, MENARA LPP, JALAN SULTAN SALAHUDDIN, 50480 KUALA LUMPUR
ATAU KARUNG BERKUNCI 11005, 50990 KUALA LUMPUR

Laman Web: <http://www.lpp.gov.my>
E-mail: info@lpp.gov.my
E-mail Bahagian: lpphq_penyeliaan@lpp.gov.my

TEL: 03-2610 9600 FAX: 03-2697 0872 BAHAGIAN PENYELIAAN TEL: 03-2610 9600 FAX: 03-2697 0872

Ruj. Tuan
Ruj. Kami
Tarikh

LPP(B) 5/6 Jld 7 (5)
29 Januari 2015

Pengarah
Lembaga Pertubuhan Peladang
Negeri

Setiausaha Tetap,
Kementerian Permodenan Pertanian Sarawak,
Merangkap Wakil Pendaftar,
Pertubuhan Peladang Negeri Sarawak

Pengurus Besar
Lembaga Kemajuan Pertanian Muda (MADA)

Pengurus Besar
Lembaga Kemajuan Pertanian Kemubu (KADA)

Pengurus Besar
Pertubuhan Peladang Kebangsaan (NAFAS)

Y. Bhg. Dato'/ Tuan/ Puan,

ARAHAN PENDAFTAR PERTUBUHAN PELADANG BILANGAN 1 TAHUN 2015 PERWAKILAN KUASA PENDAFTAR PERTUBUHAN PELADANG (PP)

Dengan hormatnya perkara di atas dirujuk.

2. Bersama-sama ini disertakan Arahan Pendaftar Pertubuhan Peladang Bil. 1 Tahun 2015 – Perwakilan Kuasa Pendaftar Pertubuhan Peladang (PP) untuk perhatian dan tindakan Y. Bhg. Dato'/ Tuan/ Puan selanjutnya.
3. Sukacita dapat pihak Y. Bhg. Dato'/ Tuan/ Puan mencetak secukupnya untuk diedarkan kepada semua PP di bawah penyeliaan Y. Bhg. Dato'/ Tuan/ Puan.
4. Sekiranya ada sebarang pertanyaan berkenaannya, sukacita menghubungi Cawangan Penyeliaan Dana, Bahagian Penyeliaan dan Penguatkuasaan, Ibu Pejabat LPP di talian 03-2610 9600.

2/...

Sekian, terima kasih.

Tema MAHA International dan Hari Peladang, Penternak dan Nelayan Kebangsaan (HPPNK) 2014
“AGROTEKNOLOGI PEMANGKIN TRANSFORMASI”

“JIHAD MEMERANGI ORANG TENGAH”

Saya yang menurut perintah,



(MOHAMMAD NAZZERI BIN RAMLI)
Bahagian Penyeliaan dan Penguatkuasaan
b.p Pendaftar
Pertubuhan Peladang

s.k : Timbalan Ketua Pengarah Pembangunan

Timbalan Ketua Pengarah Operasi

Pejabat Wakil Pendaftar
Pertubuhan Peladang Sarawak
d/a Ibu Pejabat Jabatan Pertanian Sarawak
Tingkat 13, Menara Pelita
Jalan Tun Abdul Rahman Yakub
93050 Petra Jaya
Kuching Sarawak

Pengarah Bahagian

Urusetia Ketua Pengarah

Pegawai Peladang Daerah.....

PEJABAT PENDAFTAR PERTUBUHAN PELADANG

d/a LEMBAGA PERTUBUHAN PELADANG

No.20 MENARA LPP, JALAN SULTAN SALAHUDDIN, 50480 KUALA LUMPUR
ATAU KARUNG BERKUNCI 11005, 50990 KUALA LUMPUR

Laman Web : <http://www.lpp.gov.my>

E-mail : info@lpp.gov.my

Email Bahagian : lpphq_penyelidikan@lpp.gov.my

TEL : 03 - 2610 9600 FAX : 03 - 2697 0872 BAHAGIAN PENYELIAAN TEL : 03-2610 9600 FAX : 03-2697 0872

Ruj. Tuan : LPP (B) 5/6 Jld.7 (4)
Ruj. Kami :
Tarikh : 29 Januari 2015

ARAHAN PENDAFTAR PERTUBUHAN PELADANG BILANGAN 1 TAHUN 2015

PERWAKILAN KUASA PENDAFTAR PERTUBUHAN PELADANG

1. TUJUAN

Arahan ini dikeluarkan dengan tujuan untuk mewakilkan kuasa-kuasa tertentu kepada wakil-wakil Pendaftar Pertubuhan Peladang (PP).

2. LATAR BELAKANG

Perkembangan pesat PP. dari segi struktur dan aktiviti menyebabkan perlunya diwakilkan kuasa yang lebih kepada wakil-wakil Pendaftar bagi meningkatkan lagi kecekapan dan keberkesanan kerja-kerja pendaftaran, pengawasan dan pengawalan ke atas PP.

3. PERWAKILAN KUASA PENDAFTAR

Sebagai Pendaftar PP mengikut Seksyen 7(2) Akta Pertubuhan Peladang 1973 yang diberikan kuasa mengikut Seksyen 7(3) Akta yang sama, dengan ini saya mewakilkan kuasa-kuasa saya yang berkenaan kepada pihak-pihak tertentu seperti berikut:-

A. Timbalan Ketua Pengarah (Operasi) LPP

i. Semua Kuasa-kuasa di bawah Akta Pertubuhan Peladang 1973

KECUALI :-

a) Seksyen 3 (1), (2) dan (3):

Pembentukan Pertubuhan Peladang.

b) Seksyen 6(2):

Meluluskan penubuhan syarikat atau penyertaan ekuiti dalam usaha perdagangan atau pemiagaan oleh Pertubuhan Peladang.

c) Seksyen 20(1):

Menggantungi Perlembagaan Pertubuhan Peladang.

d) Seksyen 20(3):

Membubar Pertubuhan Peladang.

e) Seksyen 24:

Mengaudit Pertubuhan Peladang.

ii. Kuasa-kuasa Di Bawah Peraturan-peraturan Pertubuhan Peladang 1983

a) Peraturan 55:

Meluluskan pelaburan atau pendepositan kumpulanwang Pertubuhan Peladang **bernilai sehingga Ringgit Malaysia Dua Juta Lima Ratus Ribu** bagi tiap-tiap satu pelaburan atau pendepositan.

- b) **Peraturan 56(4), (5) dan (6):**
Meluluskan pembahagian keuntungan bersih Pertubuhan Peladang Kebangsaan dan Pertubuhan Peladang Negeri atau Pertubuhan Peladang Kawasan yang **mempunyai keuntungan melebihi Ringgit Malaysia Lima Ratus Ribu.**

- c) **Peraturan 57(2):**
Meluluskan penjualan dan penilaian semula aset tetap **bernilai sehingga Ringgit Malaysia Dua Juta Lima Ratus Ribu.**

- d) **Peraturan 57(3):**
Meluluskan pengeluaran syer bonus Pertubuhan Peladang **bernilai sehingga Ringgit Malaysia Dua Juta Lima Ratus Ribu.**

- e) **Peraturan 58(2):**
Meluluskan pinjaman Pertubuhan Peladang daripada ahli dan bukan ahli **bernilai sehingga Ringgit Malaysia Dua Juta Lima Ratus Ribu** bagi tiap-tiap satu pinjaman tertakluk kepada had maksimum keterhutangan mengikut Peraturan 58(3).

B. Pengarah Bahagian Penyeliaan dan Penguatkuasaan LPP

- i. **Kuasa-kuasa di Bawah Akta Pertubuhan Peladang 1973**
 - a) **Seksyen 15A(1) dan (2):**
Kuasa untuk meminjam wang.

 - b) **Seksyen 15B(a) hingga (f):**
Pelaburan wang.

ii. Kuasa-kuasa Di Bawah Peraturan-peraturan Pertubuhan Peladang 1983

a) **Peraturan 55:**

Meluluskan pelaburan dan pendepositan Kumpulanwang Pertubuhan Peladang **bernilai sehingga Ringgit Malaysia Satu Juta** bagi tiap-tiap satu pelaburan atau pendepositan.

b) **Peraturan 58(2):**

Meluluskan pinjaman Pertubuhan Peladang daripada ahli dan bukan ahli **bernilai sehingga Ringgit Malaysia Satu Juta** tiap-tiap satu pinjaman tertakluk kepada had maksimum keterhutangan mengikut Peraturan 58(3).

C. **Semua Pengarah LPP Negeri, Pengurus Besar MADA Dan Pengurus Besar KADA KECUALI Pengarah LPP Negeri Sabah**

i. Kuasa-kuasa di Bawah Akta Pertubuhan Peladang 1973

a) **Seksyen 15A(1) dan (2):**

Kuasa untuk meminjam wang.

b) **Seksyen 15B(a) hingga (f):**

Pelaburan wang.

c) **Seksyen 17(1) dan 17(2):**

Menyelesaikan pertikaian di peringkat Pertubuhan Peladang Kawasan.

d) **Seksyen 19(a):**

Kuasa untuk memeriksa akaun dan harta PP atau unit ahli PP.

ii. Kuasa-kuasa Di Bawah Peraturan-peraturan Pertubuhan Peladang 1983

(Bagi Pertubuhan Peladang Negeri dan Kawasan yang mana berkenaan).

- a) **Peraturan 4:**
Pemberitahuan Mesyuarat Agung Ulung Pertubuhan Peladang Kawasan.
- b) **Peraturan 8:**
Pemberitahuan tarikh pemilihan Wakil-wakil Unit Pertubuhan Peladang Kawasan.
- c) **Peraturan 9:**
Pemberitahuan mengenai pemilihan Jemaah Pengarah.
- d) **Peraturan 26(4):**
Memutuskan rayuan pemohon keahlian yang ditolak oleh Jemaah Pengarah.
- e) **Peraturan 40(1) (a):**
Memanggil Mesyuarat Agung Luar Biasa.
- f) **Peraturan 41(2):**
Menjalankan kuasa-kuasa Pengerusi Jemaah Pengarah jika tidak disampaikan dengan notis Mesyuarat Agung Tahunan sehingga hari pertama bulan Mei, Julai dan September setiap tahun.
- g) **Peraturan 44(3):**
Melantik seorang pegawai sebagai Pengerusi yang akan menguruskan dan menjalankan pemilihan Jemaah Pengarah, dan Penolong-penolong pemilihan bagi membantu pegawai yang menguruskan pemilihan itu.

- h) **Peraturan 48(3):**
Memutuskan rayuan calon yang terkilan dengan keputusan pegawai pemilihan itu.
- i) **Peraturan 55:**
Meluluskan pelaburan dan pendepositan kumpulanwang Pertubuhan Peladang **bernilai sehingga Ringgit Malaysia Lima Ratus Ribu** tiap-tiap satu pelaburan atau pendepositan.
- j) **Peraturan 56(4), (5), dan (6):**
Meluluskan pembahagian keuntungan bersih Pertubuhan Peladang Kawasan yang **mempunyai keuntungan sehingga Ringgit Malaysia Lima Ratus Ribu**.
- k) **Peraturan 57(2):**
Meluluskan penjualan dan penilaian semula aset tetap **bernilai sehingga Ringgit Malaysia Lima Ratus Ribu**.
- l) **Peraturan 58(2):**
Meluluskan pinjaman Pertubuhan Peladang daripada ahli dan bukan ahli **bernilai sehingga Ringgit Malaysia Lima Ratus Ribu** bagi tiap-tiap satu pinjaman tertakluk kepada had maksimum keterhutangan mengikut Peraturan 58(3).
- m) **Peraturan 68:**
Menyelesaikan pertikaian di peringkat Pertubuhan Peladang Kawasan.

D. Pengarah LPP Negeri Sabah

I. Kuasa-kuasa Di Bawah Akta Pertubuhan Peladang 1973

Semua kuasa di bawah Akta Pertubuhan Peladang 1973 dan Peraturan-peraturan Pertubuhan Peladang 1983 **KECUALI**:-

- a) **Seksyen 3 (1), (2) dan (3)**:
Pembentukan Pertubuhan Peladang.
- b) **Seksyen 6(2)**:
Meluluskan penubuhan syarikat atau penyertaan ekuiti dalam usaha perdagangan atau perniagaan oleh Pertubuhan Peladang.
- c) **Seksyen 20(1)**:
Menggantung Perlembagaan Pertubuhan Peladang.
- d) **Seksyen 20(3)**:
Membubar Pertubuhan Peladang.

E. Setiausaha Tetap Kementerian Pemodenan Pertanian Sarawak


i. Kuasa-kuasa Di Bawah Akta Pertubuhan Peladang 1973.

Semua kuasa-kuasa di bawah Akta Pertubuhan Peladang 1973 dan Peraturan-peraturan Pertubuhan Peladang 1983 **KECUALI**:-

- a) **Seksyen 3 (1), (2) dan (3)**:
Pembentukan Pertubuhan Peladang.
- b) **Seksyen 20(1)**:
Menggantung Perlembagaan Pertubuhan Peladang.
- b) **Seksyen 20(3)**:
Membubar Pertubuhan Peladang.

4. TARIKH KUATKUASA

Tarikh kuatkuasa Arahan Pendaftar ini ialah mulai 16 haribulan **Februari** tahun **Dua Ribu Lima Belas**. Dengan berkuatkuasanya Arahan Pendaftar ini, Arahan Pendaftar Bil. 3 Tahun 2001 adalah dibatalkan.



(DATO' ARPAN SHAH BIN SATU)
Pendaftar
Pertubuhan Peladang